

# Akashvani, Sambalpur

## SAMBALPURI NEWS MORNING BULLETIN

16 March 2026 - 6.47- 6.52 am.

---

ରାଜ୍ୟସଭା ନିର୍ବାଚନ

ଆରବନ୍ଧୁ/ ସମ୍ବଲପୁର

୧୦ ଟା ରାଜ୍ୟର ୩୭ ଟା ରାଜ୍ୟସଭା ଆସନ ଲାଗି ଆଏଜ୍ ଭୋଟ ହେବା । ବିଧାନସଭାର ୫୪ ନମ୍ବର ପ୍ରକୋଷ୍ଠ ନ ସଖାଲର ୯ ବଜେନୁ ଉପରବେଳା ୪ ବଜେତକ୍ ଭୋଟ୍ ଗ୍ରହଣ୍ କରାଯିବା । ୫ ବଜେନୁ ଗନ୍ତି ମୁଲ୍ ହେବା । ମତଦାନ ସହେତେ ଗୃହ କାର୍ଯ୍ୟ ଭିଲ୍ ଚାଲିବା । ଓଡ଼ିଶା ନ ୪ ଟା ଆସନ ଲାଗି ୫ ଝନକର ପ୍ରାର୍ଥୀପତ୍ର କାଏମ୍ ରହିଛେ । ବିଜେପି ପ୍ରାର୍ଥୀ ମନ୍ମୋହନ ସାମଲ୍, ସୁଜିତ୍ କୁମାର୍, ବିଜେଡି ପ୍ରାର୍ଥୀ ସନ୍ତୁପ୍ତ ମିଶ୍ର ଆଉ ବିଜେପି ସମର୍ଥିତ୍ ସାଧୀନ ପ୍ରାର୍ଥୀ ଦିଲ୍ଲୀପ୍ ରାୟ୍, କଂଗ୍ରେସ୍ ବିଜେଡି-ସିପିଆଇଏମ୍ ସମର୍ଥିତ୍ ପ୍ରାର୍ଥୀ ଦତେଶ୍ୱର ହୋତା ପ୍ରାର୍ଥୀ ଅଛନ୍ । ମିଲିଥିବା ସୂଚନା ଅନୁସାରେ ରାଜ୍ୟସଭା ନିର୍ବାଚନ ଲାଗି ବିଜେପି, ବିଜେଡି ଆଉ କଂଗ୍ରେସ୍ ସେମାନକର ଏଜେଣ୍ଟ ନିଯୁକ୍ତ କରିଛନ୍ । ଓପନ୍ ବାଲାଟ୍

ଜରିଏ ଦଳୀୟ ଏଜେଂଟ୍ ମାନଙ୍କୁ ଦେଖେଇକରି ବିଧାୟକମାନେ  
ମତାଧିକାର ସାବ୍ୟସ୍ତ କରବେ ।

ଓଡ଼ିଶା ପର୍ବ -ରାଜ୍ୟପାଳ ଆଇ.ଆର୍.ପି.ଆର୍

ନୂଆଦିଲ୍ଲୀର ଜବାହାରଲାଲ ନେହେରୁ ଷ୍ଟାଡ଼ିୟମ୍ ନ ଚାଲିଥିବା  
ଓଡ଼ିଶା ପର୍ବ ଗଲାକାଏଲ୍ ଉଦ୍ୟାପିତ୍ ହେଇଯାଇଛି । ଉଦ୍ୟାପନୀ  
ସମାରୋହଥୁ ରାଜ୍ୟପାଳ ଡକ୍ଟର ହରିବାରୁ କମ୍ପ୍ୟୁଟି ଯୋଗ୍  
ଦେଇକରି ଗୁଟେ ସମୃଦ୍ଧ, ସମାବେଶୀ ଆଉ ବିକଶିତ୍ ଓଡ଼ିଶା  
ଗଢ଼ବାର୍ ଲାଗି ସାମୁହିକ୍ ସଂକଳ୍ପ ନେବାର୍‌କେ ଆହ୍ୱାନ ଦେଇଛନ୍ ।  
ବିକଶିତ ଭାରତ ଗଠନ୍ ଦିଗେ ଓଡ଼ିଶା ବଡ଼ ଭୂମିକା ନେବା । ଇ  
ପର୍ବ ନୂଆଦିଲ୍ଲୀ ନ ଓଡ଼ିଶାର୍ ଆତ୍ମାର୍ ଚେତନା ଆଉ ସାଂସ୍କୃତିକ୍  
ସମୃଦ୍ଧିକେ ପ୍ରଦର୍ଶନ୍ କରବାର୍ ଗୁଟେ ବରକସ୍ ମତାନ୍ ସାଜିଛି । ଇ  
ଅବସରେ କଳା, ସଂସ୍କୃତି, ଐତିହ୍ୟ, ଉଦ୍ୟମିତା ଆଉ ସାରା  
ପୁରଥୁ ନ ରହୁଥିବା ଓଡ଼ିଆମାନକର୍ ସାମୁହିକ୍ ପରିଚୟ ଜୋଗ୍  
ହେସି ବଲି ରାଜ୍ୟପାଳ କହିଛନ୍ ।

ଏସ୍‌ସିବି ଅଗ୍ନିକାଣ୍ଡ- ମୁଖ୍ୟମନ୍ତ୍ରୀ

ଆର୍‌ଏନ୍‌ୟୁ/ ସମ୍ବଲପୁର

କଟକ ଶ୍ରୀରାମଚନ୍ଦ୍ରଭଞ୍ଜ ମେଡ଼ିକାଲ କଲେଜ ଆଉ ଡାକ୍ତରଖାନା ନ  
ଆଏଜ୍ ପହଞ୍ଚିବେଳେ ନିଆଁ ଲାଗିଥିବାର ସୂଚନା ମିଳିଛି ।  
ଡାକ୍ତରଖାନାର ଟ୍ରମା କେୟାର ଆଇସିୟୁ ଭିତରେ ଇ ନିଆଁ  
ଲାଗିଥିବାର ଜନାପଡ଼ିଛି । ଖବର ପାଇକରି ଦମ୍‌କଲ୍ ବାହିନୀ  
ନିଆଁ ଲିଭା କାମ୍‌ଥି ନିୟୋଜିତ ଅଛନ୍ । ନିଆଁ ଲାଗିବାର କାରଣ  
ନାହିଁ ଜନାପଡ଼ି । ଏସ୍‌ସିବି ଅଗ୍ନିକାଣ୍ଡ ବାବଦେ ସୂଚନା ପାଇକରି  
ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ଆଉ ସ୍ଵାସ୍ଥ୍ୟ ବିଭାଗର ସଚିବ  
ଅଶୃତୀ ଏସ୍. ଡାକ୍ତରଖାନାକେ ପୁହୁଁଚିକରି ଥିତିର ସମୀକ୍ଷା  
କରିଛନ୍ ।

ମୁଖ୍ୟମନ୍ତ୍ରୀ ସାହାଜ୍

ଆର୍‌ଏନ୍‌ୟୁ/ ସମ୍ବଲପୁର

ମୟୂରଭଞ୍ଜ ଜିଲ୍ଲା କରଞ୍ଜିଆ ନ ଗଲାକାଏଲ୍ କାଲ୍‌ବୈଶାଖୀ ବର୍ଷାଥି  
ଜୀବନ୍ ଯାଇଥିବା ୨ ଝନ୍‌କର୍ ପରିବାର ଲୁକ୍କୁ ମୁଖ୍ୟମନ୍ତ୍ରୀ  
ମୋହନ୍ ଚରଣ୍ ମାଝୀ ସମବେଦନା ଜନେଇଛନ୍ । ଘଟ୍‌ନାକେ

ନେଇକରି ମୁଖ୍ୟମନ୍ତ୍ରୀ ଶୋକ ପ୍ରକାଶ କରବାର ସହେତେ ମୃତକଙ୍କର ପରିବାର ଲୁକ୍କୁ ୪ ଲାଖ ଟଙ୍କା ଲେଖା ଅନୁକମ୍ପା ସାହାଜ ଘୋଷଣା କରିଛନ୍ । ଇତାରସହେତେ ଧୁକାଗର୍ଡ଼ିଥି ଆହତ ହେଇଥିବା ଲୁକ୍କୁ ତୁରନ୍ତି ଚିକିତ୍ସା ସେବା ଯୁଗେଇ ଦେବାର ଆଉ ଭଙ୍ଗାଦଦରା ଘର ମାନକର ମରାମତି ଲାଗି ଜିଲ୍ଲା ପ୍ରଶାସନକେ ନିର୍ଦ୍ଦେଶ ଦେଇଛନ୍ । ସୁରନା ଅନ୍ସାରେ ଗଲାକାଏଲ୍ ମୟୁରଭଞ୍ଜ ଆଉ କନ୍ଧମାଲ୍ ଜିଲ୍ଲା ନ କାଲବୈଶାଖୀ ବର୍ଷା ଆଉ କରାମାଡ଼ୁଥି ୫୦ ନୁ ଅଏଡ଼କା ଘରେ ନୁକସାନ୍ ହେଇଛେ ।

ରଥଯାତ୍ରା-ପୁଲିସ୍ ସମୀକ୍ଷା

ପୁରୀ ସମ୍ବାଦଦାତା

ବିଶ୍ୱପ୍ରସିଦ୍ଧ ପୁରୀ ରଥଯାତ୍ରାକେ ଶୃଙ୍ଖଳିତ୍ ଭାବେ କରବାର ଲାଗି ଅତିରିକ୍ତ ପୁଲିସ୍ ମହାନିର୍ଦ୍ଦେଶକ ସୌମେନ୍ଦ୍ର ପ୍ରିୟଦର୍ଶୀ ପୁରୀ ନ ଗଲାକାଏଲ୍ ଭିଡ଼ ନିୟନ୍ତ୍ରଣ ଆଉ ସୁରକ୍ଷା ଥିତିର ସମୀକ୍ଷା କରିଛନ୍ । ଇ ବଛର ରଥଯାତ୍ରା ପରିଚାଳନା ଲାଗି ସରକାରଙ୍କର ତରଫୁ ଦାୟିତ୍ୱ ମିଲ୍ବାର ଉତ୍ତରୁ ଶ୍ରୀ ପ୍ରିୟଦର୍ଶୀ ପହେଲା ଶ୍ରୀମନ୍ଦିରକେ ଯାଇକରି ମାହାପୁରୁମାନକର ଦର୍ଶନ୍ କରିଥିଲେ ।

ତାର ଉତ୍ତରୁ ବାଗାଡ଼ିଆ ଧର୍ମଶାଳା ନ ସିସିଟିଭି ନିୟନ୍ତ୍ରଣ କକ୍ଷ ବୁଲି ଦେଖୁଥିଲେ । ପୁଲିସ୍ ଆରକ୍ଷୀ ଅଧିକ୍ଷକ ଆଉ ଅଲଗା ବରିଷ୍ଠ ଅଧିକାରୀମାନେ ଜିଲ୍ଲା ପୁଲିସ୍ ଡିପ୍ୟୁଟି ସୁରକ୍ଷା ବାବଦେ ନିଆଯାଇଥିବା ପଦକ୍ଷେପ ଉପରେ ଶ୍ରୀ ପ୍ରିୟଦର୍ଶୀଙ୍କୁ ଜନେଇଥିଲେ ।

ଜାତୀୟ ଟୀକାକରଣ ଦିବସ

ଆରବନ୍ଦୁ / ସମ୍ବଲପୁର

ଉତ୍ତମ ସ୍ଵାସ୍ଥ୍ୟ ଲାଗି ଟୀକାକରଣର ଗୁରୁତ୍ଵ ବାବଦେ ଲୁକ୍କୁ ସଚେତନ କରବାର ଲାଗି ଫି' ବକ୍ସର ଆଝିର ଦିନେ ଜାତୀୟ ଟୀକାକରଣ ଦିବସ ପାଳନ କରାଯାଏ । ୧୯୯୫ ମସିହା ମାର୍ଚ୍ଚ ୧୬ ତାରିଖ ଦିନ ଭାରତ ନ ପଲ୍ସ ପୋଲିଓ ଟୀକା ଖୁଆବାର ଅଭିଯାନ ମୁଲ୍ କରାଯାଇଥିଲା । ଭାରତକେ ପୋଲିଓ ମୁକ୍ତ କରବାର ଲାଗି ଇ ଅଭିଯାନର ଭୂମିକାକେ ସୁରତା କରବାର ଲାଗି ଫି' ବକ୍ସର ଆଝିର ଦିନେ ଜାତୀୟ ଟୀକାକରଣ ଦିବସ ପାଳନ କରାଯାଉଛି । ଟୀକାକରଣ ଅଭିଯାନ ଥିଲ୍ଲେ ଉତ୍ତର କରାଯିବା ବ୍ୟକ୍ତିମାନଙ୍କୁ ଆଝିର ଦିନେ ଶ୍ରଦ୍ଧାଞ୍ଜଳି ଦିଆଯାଏ ।

ଟୀକାକରଣର ମହତ୍ତ୍ୱ ଉଦ୍ଦେଶ୍ୟକେ ଫି' ଲୁକ୍କର ଠାମେ ପୁସ୍ତୁଟାବାର୍ତ୍ତା ଇ କାର୍ଯ୍ୟକ୍ରମର ମୁଖ୍ୟ ଉଦ୍ଦେଶ୍ୟ ଥାଏ । ଇ ବଛରର ବାର୍ତ୍ତା ହେଉଛେ - “ମାନବିକତା ଆଧାର୍ଥ୍ୱ ସମ୍ବନ୍ଧ ଲାଗି ଟୀକାକରଣ ସମ୍ଭବ ।”

ଜଙ୍ଗଲ ନିଆଁ ନିରୋଧୀ ସଚେତନତା ଆରବନ୍ଧୁ/ ସମ୍ବଲପୁର

ସମ୍ବଲପୁର ବନବିଭାଗ ତରଫୁ ବଡ଼ରମା ବନ୍ୟପ୍ରାଣୀ ରେଞ୍ଜି କୁଡ଼ବ୍ ଗାଁ ନ ଜଙ୍ଗଲ ନିଆଁ ନିରୋଧୀ ସଚେତନତା କାର୍ଯ୍ୟକ୍ରମ ହେଇଯାଇଛେ । ଖରାମାସେ ନିଆଁନୁ କେନ୍ଦ୍ରାକରି ଜଙ୍ଗଲ ଆଉ ଜଙ୍ଗଲି ଜୀବଜନ୍ତୁଙ୍କର ସୁରକ୍ଷା କରାଯାଇପାର୍ବା ସେ ବାବ୍ଦେ କାର୍ଯ୍ୟକ୍ରମ୍ ଲୁକ୍କୁ ବୁଝାଯାଇଥିଲା । ଜଙ୍ଗଲ ଆଉ ଜଙ୍ଗଲି ଜନ୍ତୁଙ୍କର ସୁରକ୍ଷା ଲାଗି ଲୁକ୍କେ ଶପଥ ନେଇଥିଲେ ।

ନୂଆପଡ଼ା- ଆଲୋଚନାଚକ୍ର

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ଆଦର୍ଶ ସ୍ନାତକ ମହାବିଦ୍ୟାଳୟ ନ  
ଯୁବବୟସ୍କଙ୍କ ମଧ୍ୟ ଆକାଂକ୍ଷା ଏବଂ ପସନ୍ଦରେ ମୋଡ଼େଲିଂର ଭୂମିକା  
ଶୀର୍ଷକ ଜାତୀୟ ଆଲୋଚନାଚକ୍ର ହେଇଯାଇଛି । ମହାବିଦ୍ୟାଳୟ  
ଅଧ୍ୟକ୍ଷ ଡକ୍ଟର ଅକ୍ଷୟ କୁମାର ସାହୁଙ୍କର ଅଧ୍ୟକ୍ଷତାଧି ହେଇଥିବା  
କାର୍ଯ୍ୟକ୍ରମକୁ ମୁଖ୍ୟଅତିଥି ଭାବେ ଜିଲ୍ଲାପାଲ୍ ମଧୁସୂଦନ୍ ଦାସ  
ଯୋଗଦେଇଥିଲେ । ବିଷୟବସ୍ତୁର ଭିନ୍ ଭିନ୍ ଦିଗ୍ ଉପରେ ଅତିଥି  
ମନେ ନିଜର ନିଜର ମତାମତ୍ ଉପସ୍ଥାପନ୍ କରିଥିଲେ ।

ପଦ୍ମପୁରସ୍କାର ଆର୍ଏନ୍ୟୁ/ ସମ୍ବଲପୁର

ପଦ୍ମପୁରସ୍କାର-୨୦୨୭ ଲାଗି ପଞ୍ଜିକରଣ୍ ଆଉ ସୁପାରିଶ୍ ମୂଲ୍  
ହେଇଛି । ଆଏବା ଜୁଲାଇ ୩୧ ତାରିଖ୍ ଅନ୍ତଲାଇନ୍ ପଞ୍ଜିକରଣ୍  
ଶେଷ୍ ଦିନ୍ ରହିଛି । ପଦ୍ମପୁରସ୍କାର୍ ଲାଗି ରାଷ୍ଟ୍ରୀୟ ପୁରସ୍କାର୍  
ପୋର୍ଟାଲ୍ ଜରିଏ ଅନ୍ତଲାଇନ୍ ଆବେଦନ୍ କରାଯାଇପାର୍ବା ।

ପାଣିପାଗ ଆର୍ଏନ୍ୟୁ/ ସମ୍ବଲପୁର

ଆଏବା ୨୦ ତାରିଖ୍ତକ୍ ରାଜ୍ୟର୍ ଭିନ୍ ଭିନ୍ ଜାଗା ନ  
କାଲ୍‌ବୈଶାଖୀର୍ ପ୍ରଭାବ୍ଥ୍ ଧୁକାଗର୍ଡ଼ି ସାଙ୍ଗେ ବର୍ଷା ହେବାର୍  
ସମ୍ଭାବନା ରହିଛେ । ଆଏବା ୨୪ ଘଂଟା ଭିତ୍ରେ ସୁନ୍ଦରଗଡ଼୍,  
ଝାରସୁଗୁଡ଼ା, ବୌଦ୍ଧ, ମୟୂରଭଞ୍ଜ୍, କେନ୍ଦୁଝର, ଅନୁଗୁଲ୍ ଆର୍  
ଦେଙ୍କାନାଲ୍ ସହେତେ ସମୁଦ୍ରସ୍ତୃତି ଜିଲ୍ଲାମାନ୍‌କେ ଧୁକାଗର୍ଡ଼ି  
ସହେତେ କାଲ୍‌ବୈଶାଖୀ ବର୍ଷା ହେଇପାରେ ବଳି ଭୁବ୍‌ନେଶ୍ୱର୍  
ଆଂଚଳିକ ପାଣିପାଗ ବିଜ୍ଞାନ୍ କେନ୍ଦ୍ର ତରଫୁ ସତର୍କ ସୂଚନା ଜାରି  
କରାଯାଇଛେ । ମୟୂରଭଞ୍ଜ୍ ଜିଲ୍ଲାକେ ସବୁନ୍ନୁ ଜହ୍ ସତର୍କ  
କରାଯାଇଛେ ।